

**MINISTER URSELL ARENDS
TA COMPARTI RAPPORT
DI FORO NACIONAL PA
ADULTO MAYOR**



WWW.SOLODIPUEBLO.COM



SOLODIPUEBLO@GMAIL.COM

**FISCAL A EXIGI 7 AÑA DI
PRISON PA HOMBER CU A
BATI DOS HOMBER DI EDAD
FORMAL CU BIGA**



**LEONARDO FIGAROA KIER UN ZAKEN
KABINET DI 7 EXPERTO PA TUMA
DECISION DIFICIL**



**REUNION PIDI PA MAS Y AVP PA
TRATA MANEHO DI ADMISION A
RESULTA DEN PURO SHOW Y UN
FALTA DI SERIEDAD**



**NA MADIKI POLIS A DETENE HOBEN
CU UN PISTOL DEN SU PODER**



**PARLAMENTO DI
ARUBA A TUMA
PASONAN FIRME
PA FORTIFICA
E LEY CONTRA
ABUSO DI
MUCHA**

LEONARDO FIGAROA KIER UN ZAKEN KABINET DI 7 EXPERTO PA TUMA DECISION DIFICIL

Den un comunicado di prensa recientemente, Leonardo Figaroa a trece dilanti cu Aruba mester di un zaken kabinet. Mester di 7 persona den nan vak gebied pa bira minister pa asina por tuma decisionnan difcil pero necesario.

"Pa PDP e gobierno cu nos lo kier sostene mester consisti di maximo 7 ministro. Di locual tur e lidernan politico sosteniendo e coalicion lo bay sinta den Parlamento y no lo bira minister. Lo apunta 7 minister cu ta

bin for di e vakgebied, expertisio riba nan tereno." El'a sigui elabora cu tin manehonan difcil cu mester wordo tuma (medida) pa cual e ora ey e expertonan lo por tuma esakinan sin influencia politico.

"pesey nos proposicion ta keda pa pusha pa un Zaken-Kabinet na Aruba como un solucion real na por implementa e manehonan mas difcil pero necesario pa nos Isla. Finalmente, mi ta kere tambe den un hoofdlijnen akkoord pa e siguiente

gobierno unda cu oposicion tambe por participa activamente den e debate politico. Cu specification riba e maneho financiero, ambiental, gobernacion moderno y education. Pa PDP e 4 puntonan aki ta cardinal pa por sostene e siguiente gobierno." Leonardo Figaroa a bisa tambe cu e kier mira un otro persona bira promer minsiter, cu no ta sali for di e dos partidonan grandi. Un otro persona cu otro vision.

Un di e puntonan di accion di Figaroa ta pa saca 2000 ambtenaar di trabao, pero



bini cu un sociale vanget, esaki lo baha gastonan di pa asina yuda nan pasa gobierno. den e proceso, pa nan bay sector priva. Hasiendo

Organo Ehecutivo AZV ta informa:

ENTRANTE 1 DI MEI TRASPASO AUTOMATICO DI TUR ASEGURADO INSCRIBI NA DOKTER DI CAS L. VINK PA HOED PIEDRA PLAT

E contracto entre dokter Lea Vink y Organo Ehecutivo AZV ta termina. Nos ta gradici dokter Lea Vink pa e servicio cu el a brinda na nos aseguradonan. Alabes ta desea su persona hopi exito den su siguiente reto. 1 di mei 2024

Entrante 1 di mei 2024 un traspaso automatico ta bay tuma luga. Tur pashent inscribi cerca dokter Lea Vink ta wordo pasa automaticamente pa e "Huisartsen Onder Een Dak Piedra Plat"; esta e Cas di Dokter nobo na Piedra Plat 72-A. Esaki ta nifica cu e aseguradonan cu tabata inscribi cerca

dokter Lea Vink no tin nodi haci nada; tur cos ta wordo regla automaticamente (digitalmente).

HOED Piedra Plat

Entrante 1 di mei 2024 e servicio medico ta tuma luga via dokter di cas M. van der Ham na Piedra Plat 72-A. Orario di servicio ta: mainta 8:00am -12:00pm y merdia 1:00pm - 4:00pm. Number di telefon ta 5274475. E aseguradonan cu tin e AZV app lo wak e cambio aki den e Menu ☐ bo dunadonan di cuida.

No tin AZV app

Un invitacion ta bay na tur asegurado cu no tin e AZV app ainda pa haci

esaki. Bo por download esaki (via Google Play of Apple Store) y registra pa bo digi-ZorgPas. Den caso cu bo kier yudansa pa cu instalacion di e AZV app den bo celular; e ora bo por pasa personalmente na oficina di AZV y nos ta yudabo instala esaki den bo celular. Oficina di AZV ta habri di dialuna pa diabierna di 7:30am - 4:00pm.



Parlamentario Shailiny Tromp-Lee: REUNION PIDI PA MAS Y AVP PA TRATA MANEHO DI ADMISION A RESULTA DEN PURO SHOW Y UN FALTA DI SERIEDAD

Dia 16 di April 2024 a tuma lugar un reunion publico yama pa Presidente di Parlamento pa trata maneho di admision cu ta cay bou di Minister Glenbert Croes. E reunion a keda pidi pa Fraccion di MAS y AVP. Ya na inicio di e reunion, manera por a spera, a bira obvio cu ta puro wega politico ta tumando lugar y sin cu enberdad kier debati, haci pregunta of pidi informacion. Oportunidad concreto minister no tabatatin pa contesta of splica. Ya den prome tanda Fraccion di MAS a sali presenta un mocion di desconfiansa. Ya nan tabatin nan decision tuma di prome cu nan a drenta e reunion.

Oposicion kier laga aparenta cu a dura mas

cu 1 aña pa minister a bin duna cuenta encunto su maneho di admision. Esaki sigur no ta cuadra cu realidad. Nan peticion pa reunion fecha 15 di februari 2023 a keda debidamente atendi pa Presidente di Parlamento. Mester bisa si cu contrario na nan peticion Presidente a yama un encuentro publico caminda debidamente Minister Croes a bin pa trata e maneho di admision dia 27 di juni 2023. Ta bon pa pueblo sa cu e Presidente di Parlamento tin tur derecho di dicidi si e ta honra un peticion di un parlamentario(nan) y tambe ki tipo di reunion e ta yama. Semper tabata asina y sigur e firmantenan di e peticion sa esaki bon bon, mirando cu 2 di nan tabata Presidente di Parlamento. Echo ta cu

un reunion a tuma lugar dia 27 di juni 2023 cu e topico specifico cu ambos Fraccion a pidi pe, esta pa trata maneho di admision. Tambe nan ta cuestiona Minister Glenbert Croes cu e no a reacciona riba nan peticion pa reunion y no a bin responsabilisa. Otro wega mas, malinformando pueblo, pasobra e unico persona cu por yama un reunion publico den Parlamento ta Presidente di Parlamento y no un minister.

Otro aspecto cu pueblo mester tene cuenta cu ne ta cu na December 2023 a trata presupuesto 2024 y na e momento aki tambe nos como parlamentario tin cu analisa y aproba e maneho di cada ministerio, dus tambe e maneho di admision.



Mayoria di pregunta of tema di preocupacion a keda atendi debidamente durante e reunionnan aki.

Mester señala tambe cu tur loke cu nan ta uza como motibo pa a presenta e mocion di desconfiansa dia 16 di April 2024 contra minister tabata existi e tempo ey caba y minister a duna splicacion y informacion debidamente. Pakico hunga rol y insinua cu minister no kier duna cuenta, y cu

e no ta transparente? Mihor lo ta si bo bisa cu bo no ta di acuerdo cu e maneho despues di a ricibi splicacion of contestacion of cu esaki no tabata suficiente of satisfactorio.

A keda duidelijk cu ta un show completo e reunion tabata accentuando un falta di seriedad total y sigur na ningun momento a aporta na mehoracion of sugerencia berdadero pa cambio.

Ministerio di Husticia y Asuntonan Social: MINISTER TJON A ASISTI E CONFERENCIA DI REINO RIBA CUIDO FORENSICO Y SALUD MENTAL

WILLEMSTAD - Dialuna mainta, Minister di Husticia y Asuntonan Social sr. Rocco Tjon, hunto cu Coleganan Minister Shalten Hato y Franc Weerwind, a hiba palabra na e conferencia di Reino riba cuido forensico y salud mental. Un conferencia hopi importante cu ta bay resulta den palabracionnan concreto riba tereno di legislacion y maneho. Atencion lo ta primordialmente riba mehora e calidad di cuidu cu ta wordo ofreci na detenidonan bou di medida di TBS como tambe na

hobennan cu a wordo imponi un medida di PIJ. E topico aki ta merece mucho mas atencion ambos na nivel local y regional, pero tambe na nivel di Reino.

Mirando e problemanan cu nos ta enfrenta na Aruba, como resultado di falta di atencion forensico riba nos isla, manera cifranan halto di recidivismo, famianan cu problemanan multiple, como tambe aumento di delincuencia hubenil, Gobierno di Aruba a dicidi di tuma accion y enfoca riba amplia conocimiento forensico y aumenta e cooperacion entre e diferente

centronan di cuidu na Aruba. Pa esaki, a crea un grupo di trabou multidisciplinario enfocando riba cuidu forensico, cual obhetivo tawata pa identifica e “bottlenecks” cu tin na Aruba pa cu esaki.

E grupo di trabou aki a bishita diferente centronan di cuidu riba e diferente islanan di reino, pa asina haya un bista di e cuidu forensico cu ta wordo brinda y cu por wordo implementa na Aruba. E conclusion tawata ta, cu na Aruba nos por realisa y implementa esakinan, sinembargo, pa e cuidu forensico na Aruba por ta uno exitoso, e ta



necesario pa tur e departamentonan concerni traha mucho mas di serca cu otro, cu protocol miho defini. Por ehempel, actualmente, a implementa e metodo “Youturn” den e departamento di Jeugd na KIA, cual tambe ta wordo uza na nos Centro Ortopedagogico.



Noticia di Corte

FISCAL A EXIGI 7 AÑA DI PRISON PA HOMBER CU A BATI DOS HOMBER DI EDAD FORMAL CU BIGA

ORANJESTAD – Awe mainta Hues di Corte di Husticia a trata e caso penal cu Ministerio Publico a cuminsa contra e homber J.C. (37), kende ta wordo acusa di ladronia for di un cas, ladronia di un auto, maltrato severo di dos homber di edad y ladronia di un truck di ATCO.

SOLO DI PUEBLO por a compronde cu Fiscal a baha pisa riba J.C. y a existi 7 aña di prison, apesar cu psicologo ta haya cu J.C. ta menos responsabel pa su actonan.

POTRET DI LADRON NO TA E SOSPECHOSO

Fiscal a presenta un serie di acusacionnan contra J.C.. E promer acusacion ta di ladronia di un for di un cas riba 4 October 2023, caminda cu el a bay cu cuminda for di e frishidaire. Hues a puntra J.C. riba e ladronia for di e cas y segun J.C., e no ta haci tipo di cosnan asina. Hues a bis'e cu tin un potret cu camera di seguridad a saca. J.C. a bisa Hues cu su abogado a mustre e potret pero esey no ta e. Hues a coy e potret y ora el a mir'e, el a remarca cu e persona riba e potret ta un hende di color mientras cu J.C. ta color cla. Hues a mostra Fiscal e potret y a bisa cu esey no ta J.C.

HORTA AUTO Y HORTA UN BARBERO

Hues a mostra cu riba 10 October 2023, J.C. a comete un racha di delito. Segun J.C. e dia ey e tabata hopi bebi y door di esey el a horta e auto. El a cana di Dakota pa bay San Fuego, unda e ta bida. Den Primavera el a busca un auto pa horta pasobra e ta hopi cana pa yega San Fuego. El a core cu e auto bay San Nicolas, cumpra alcohol y sigui bebe.

El a bisa cu e tabatin problema cu un Dominicano barbero cu a papia cos kens di Arubiano. El a dicidi di horta placa for di e Dominicano. Segun J.C., ningun hende tabata sa cu el a horta. Ta el a bisa Recherche cu el a horta e Dominicano.

MALTRATA DOS HOMBER CU BIGA

J.C. a sigui bisa cu el a bay cu e auto horta na cas di e homber di edad F.S. na Parkietenbos. El a bisa Hues cu el a para e auto horta leu for di e cas. El a bati na e porta y e homber F.S. a bay atende. Segun J.C., e kier a huur un camber cu e yiu homber di F.S. a bis'e di dje. J.C. a bisa cu el a pone un caha di placa cu 7 mil florin aden, ariba un mesa na e cas. Ora el a caba di wak e camber, el a bay bek na e caha y el a ripara cu e placa e disparce. El a bisa F.S. pa dun'e su placa. F.S. a bis'e cu e no a coy placa y a bisa J.C. pa bay for di su cas.

J.C. a bisa Hues cu el a rabia y el a coy un biga y a cuminsa bati F.S. y grita pa e haya su placa. E homber di edad A.C., cu ta biba pega cu e cas, a scucha F.S. ta grita y a bay wak kico ta pasando. Segun J.C., un homber a drenta e cas y choca J.C. E homber ta A.C. y segun J.C., e momento ey, F.S. a cuminsa hink'e cu cuchiu na su pia. El a bisa cu el a cuminsa perde rosea y a pensa cu nan lo bay mat'e. Segun J.C., den e luchamento, tur su paña a kibra. El a pasa man pa un biga y bati tur dos homber. Despues el a coy su caha di placa y core bay sunu for di e cas. J.C. a bisa Hues cu el a dicidi di bay na ATCO pa laga pasa cu e ta bay horta un truck pa Polis yega pa gar'e. Segun J.C., e por a huy bay pero no kier. El a bisa cu e hendenan di ATCO a bati'e y Polis a hay'e herida.

Hues a remarca cu segun procesverbaal di Polis, J.C. tabata full sunu y no tabata herida y tampoco tabata sangra. J.C. lo a declara na Polis cu e tabata riba un racha di piedra di coca y a bati dos hende cu palo. J.C. a bisa Hues cu e no tabata sa cu el a maltrata e dos hombernan asina severo.

HERIDANAN SEVERO

Hues a mostra cu F.S. a sufri hopi maltrato cu biga door di J.C. El a sufri slanan duro na cabez, 3 hinc na curpa y hasta fractura den cara, ripchi y un dede kibra. E homber A.C. tambe sufri herida. Fractura na man abao, dedenan, corta na man. E man y dedenan cu mester a wordo cosi. Hues a bisa cu e declaracion di A.C. ta diferente di loke J.C. ta conta. Hues a bisa cu A.C. tabatin wowonan sangra y slanan.

A.C. a declara cu e ta biba banda di e cas y a spierta ora scucha J.C. grita. El a bay na e cas y a mira F.S. drumi den un plas di sanger. E momento ey, J.C. a bay riba dje y dal'e cu un biga. A.C. a hisa su man y despues na otro man, pa evita cu J.C. ta dal'e na su cabez. J.C. a dal'e tambe na su pianan. El a logra lanta pero a bolbe cay. A start un luchamento caminda J.C. a hinc su duimnan den A.C. su wowonan. Door di e maltrato, A.C. a keda 5 dia hospitalize y a haya 35 cosi na man. Segun A.C., si e no a bay ora el a tende gritamento, F.S. lo a wordo mata door di J.C. Segun J.C., si e no a bringa formal, nan lo a mat'e. El a bisa Hues cu e ta arepentí pa loke el a haci.

Continuacion pag. 6

MINISTER TJON A ASISTI E CONFERENCIA DI REINO RIBA CUIDO FORENSICO Y SALUD MENTAL

continuacion di pag. 3

Muy pronto, riba e IBA di KIA, un “behandelteam” lo cuminsa traha permanente, caminda lo conta cu sosten di departamentonan manera Respaldo (specialistisch GGZ) y Stichting Hunto (basis GGZ). Banda di esaki, lo bay enfoca riba e “nazorg” di e detenidonan como tambe trayectonan di rehabilitacion y begeleiding. Tambe, Aruba a inverti den un medico forensico, y na Juni binidero un psicologo di salud mental lo inicia su estudio pa loke ta “recherchepsycholoog”. Henter e ekipo di Jeugd en Zeden Politie, conhuntamente cu dos psicologo a completa e curso di “kinderverhoor”. E sosten di e dos psicologonan pa e parti di

kinderverhoor ta algo nobo den reino.

Tambe, a palabra cu e diferente centronan di cuida, pa enfoca mas riba e trabounan ambulatorio, pa cual a institui un ekipo di FACT, kende ta wordo opgeleid constantemente riba e cuida forensico. Mientrastanto, ya caba ta considerando pa institui un di dos ekipo di FACT y den transcurso di 2024 tambe lo crea un “jeugdteam” di FACT. Varios terapistanan riba nos isla a completa e opleiding di “Multi-dimensionele Familiotherapie (MDFT)” cual ya caba a wordo implementa dentro di varios famia, Veiligheidshuis tin un rol sumamente importante den esaki.

Danki na Stichting Hunto e cuida pa cu addiccion ta menos fragmenta riba nos isla y banda di esaki, Ministerio Publico hunto cu Stichting reclassering en jeugdbescherming Aruba ta considerando castigonan alternativo.

Por ultimo, por bisa cu mehoracion di cuida forensico na Aruba ta un punto sumamente importante pa Gobierno di Aruba, sin embargo como pais nos ta consciente cu esaki no ta algo cu nos kier of por haci nos so. Hunto nos ta mucho mas fuerte y hunto nos por soluciona y suavisa e aspectonan pa loke ta cuida forensico.

Minister Ursell Arends: CONSULTA PUBLICO NA UNIVERSIDAD DI ARUBA PROPUESTA DI LEY: DERECHO DI NATURALUS^a



Un otro encuentro productivo entre Gobierno di Aruba cu publico general a tuma lugawe mainta na Universidad di Aruba. E biaha aki pa duna e ramo academico e espacio pa expresa su pensamentonan ariba e propuesta di Ley di Derecho di Naturalesa. Esaki ta un di varios reunionnan cu a wordo organisa cu e meta pa inclui pueblo su bos den e proceso di traha ley. Pues e sesionnan di consulta a tuma lugawe ultimo paar di siman cual a inclui participacion di e publico en general, gremionan comercial, abogado, huesnan y tambe studiantenan.

Cu asistencia di Directie Natuur en Milieu, a elabora ariba e propuesta di ley cu lo purba di cambia nos constitucion. Un propuesta cu lo significa un paso grandi den e reconocimiento y proteccion di e derecho fundamental di naturalesa pa existi y prospera. Durante e sesionnan a discuti cada articulo di e proposicion di ley detayadamente, colectando e punto di bista y sugerencianan di participantenan.

E proceso di consulta ta continua riba plataforma

digital. Esnan interesa por lesa e propuesto di ley y comparti nan opinion y sugerencianan pa medio di e formulario online disponibel riba <http://www.publico.aw/consulta/>. E feedback di e comunidad lo yuda forma e base pa un ley mas fuerte y efectivo.

Pa fomenta un nivel mas amplio di participacion y transparencia, e ultimo dia pa entrega di feedback a ser extendi te cu dia 21 di april, dunando e comunidad mas oportunidad pa aporta na e desaroyo legislativo. E fecha di 21 di april ta un dia prome cu e celebracion di dia di mama tera, y ta marca un aña desde cu e iniciativa legislativo aki a ser entrega.

“E iniciativa aki ta mas cu legislacion; eta un declaracion di nos compromiso colectivo pa respeta, proteha, y trece naturalesa y desaroyo den balans pa nos Pais,” segun Minister Ursell Arends.

Ministerio di Naturalesa ta compromete pa continua trabou den un forma transparente y colaborativo, y ta agradecido pa e apoyo y contribucion di cada stakeholder y miembro di comunidad.

EXECUTORIALE OPENBARE VERKOOP

Op **donderdag 30 mei 2024** des namiddags om 14.00 uur, zal in de vergaderzaal van de “Aruba Surfside Marina”, L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

het appartementsrecht, kadastraal bekend als Tweede Afdeling Sectie A complexaanduiding 1310-A appartementsindex 30, rechtgevend op:

- a. het recht op het uitsluitend gebruik van een condominium deel uitmakende van “Gold Coast Condominiums Building T13-25/28” met bestemming woning, gelegen op de eerste verdieping (second floor), met de daarbij horende parkeerplaats en patio, welk appartementsrecht plaatselijk bekend is als “Gold Coast Condominium T 13-26”;
- b. één/zesendertigste (1/36) onverdeeld aandeel in de gemeenschap bestaande uit een complex van negen (9) percelen eigendomsgrond, allen gelegen te Westpunt in Aruba, ten tijde van de splitsing kadastraal bekend als:
 - I. Tweede Afdeling Sectie A nummer 1280, groot vierhonderd twee en negentig vierkante meter (492 m²);
 - II. Tweede Afdeling Sectie A nummer 1281, groot vierhonderd twee en negentig vierkante meter (492 m²);
 - III. Tweede Afdeling Sectie A nummer 1282, groot vierhonderd een en negentig vierkante meter (491 m²);
 - IV. Tweede Afdeling Sectie A nummer 1283, groot vijfhonderd twintig vierkante meter (520 m²);
 - V. Tweede Afdeling Sectie A nummer 1284, groot vijfhonderd negentien vierkante meter (519 m²);
 - VI. Tweede Afdeling Sectie A nummer 1285, groot vijfhonderd negentien vierkante meter (519 m²);
 - VII. Tweede Afdeling Sectie A nummer 1286, groot vijfhonderd vijftig vierkante meter (550 m²);
 - VIII. Tweede Afdeling Sectie A nummer 1287, groot vijfhonderd negen en dertig vierkante meter (539 m²);
 - IX. Tweede Afdeling Sectie A nummer 1288, groot vijfhonderd vier en dertig vierkante meter (534 m²), plaatselijk bekend als “**Diamante 234-C**”.

Inzetprijs: Afl. 485.090,==;

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 15 mei 2024 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com/auction@notaristromp.com

Continuacion di pag. 4



Noticia di Corte

FISCAL A EXIGI 7 AÑA DI PRISON PA HOMBER CU A BATI DOS HOMBER DI EDAD FORMAL CU BIGA

Fiscal a bisa cu J.C. no ta un desconoci di Polis. Hues a muestra cu tin hopi caso di J.C. di ladronia cu kiebro cu ta data di 2015. Na Maart 2022, J.C. a wordo condena pa maltrato, menaza y ladronia. Fiscal a exige pa ehecuto e 2 luna condicional cu J.C. a haya pasobra el a haci e delitonan den tempo di prueba.

Hues a muestra cu psicologo den su raport ta constata cu door di uso di droga y alcohol, J.C. a sufri un perdemento di cabez. Tambe cu J.C. tin problema anti social y ta bira agresivo sin pensa e consecuencianan. Psicologo ta haya cu J.C. ta menos responsabel pa loke el a haci. Psicologo ta conseha pa J.C. haya guia pa su adiccion y tratamiento na Respaldo.

VICTIMANAN A PAPIA DEN CORTE

Awor cu e ley nobo a drenta na figor, ta asina cu victimanan por presenta den Corte pa conta Hues con nan a sinti ora cu e incidente a sosode cu nan. E homber A.C. a demanda en total 48.500 florin di daño material y inmaterial. El a bisa Hues cu e no por usa su man drechi bon. E tin problema di bista door cu J.C. a hinca su duimnan den su wowo. Awor e no por traha mas. El a gradici Dios cu e ta bibo. El a bisa cu e no tin AZV. Ta asina cu A.C. ta ilegal na Aruba desde 2019 y a pidi asilo.

E señora di F.S. a bisa Hues cu e daño cu J.C. a haci na F.S., nunca por paga. El a exige 50 mil florin pa asina busca tratamiento di F.S. E señora a bisa Hues cu F.S. no ta su mes mas. El a keda cu daño mental door di e maltrato di J.C. Tambe e lo mester haci operacion den exterior na su wowo cu el a keda afecta. E señora a bisa cu e y su yiu homber, mester hiba F.S. cada

vez baño pa haci su necesidad y tambe bañe. Ta asina cu F.S. ta den un rolstoel pero esey ta door cu auto a dal'e pero e no por baña su mes door cu e slanan di biga cu el a haya.

FISCAL TA EXIGI 7 AÑA DI PRISON

Fiscal a bisa cu diferente persona a bira victima di J.C. Na Parkietenbos, Polis a haya 2 victima caminda F.S. tabata den e cas hopi herida mientras cu A.C. tabata na un cas eybanda. F.S. a wordo hiba cu ambulance pa hospital. A haya J.C. na ATCO den vecindario full sunu. Fiscal a bisa cu e comportacion di J.C. tabata pone Polis pensa cu e lo tabata bou influencia.

Fiscal a bisa Hues cu F.S. a sufri hinca na garganta, schouder y pia. El a sufri fractura na craneo, fractura na ripchi. E mester a keda interna den hospital. A.C. tambe a sufri heridan y fractura y mester a keda interna. Na opinion di Fiscal, por conclui cu J.C. cu un cuchiu y biga a maltrata F.S. Fiscal ta considera esaki intento di mata. Na ATCO tabatin confrontacion entre empleadonan cu J.C., kende kier a horta un truck. Fiscal a bisa cu psicologo ta haya cu J.C. tin problema mental door di uso di substancianan. Psicologo ta bisa cu J.C. ta menos responsabel pa su actonan. Fiscal a bisa cu e ta pidi pa declara J.C. liber di e acusacion di ladronia for di un cas. Fiscal a exige 7 aña di prison pa J.C. Pa loke ta e demanda di daño material, Fiscal ta compronde loke F.S. a pasa aden. Pero e ta pidi pa declara e demanda no admisibel pasobra e no ta specifica. Pa loke ta e demanda di A.C., el a muestra cu recibo di hospital di cobranza di 8500 florin, ta aceptabel.

ABOGADO

Mr. Bryson a bisa Hues cu no por culpa J.C. di e ladronia for di un cas. E potret cu Polis a presenta no ta J.C. Pa loke ta trata e casonan di maltrato di F.S. y A.C., abogado mr. Bryson a muestra riba e psicologo su raport. E abogado ta haya cu J.C. no a gaña cu el a dal F.S. cu un biga. J.C. a nenga di a hinca F.S. cu cuchiu. E abogado ta haya cu J.C. a conta tur loke el a haci y kisas e ta bisando e berdad di loke ta e cuchiu. E abogado a muestra riba e raport di psicologo cu ta muestra cu J.C. ta menos responsabel pa su actonan. E abogado a bisa cu e no ta haya cu den e caso di A.C., por papia di maltrato severo. Pa loke ta e trucknan na ATCO, J.C. a conta tur loke a sosode y cu su intension no tabata horta un truck. E abogado a bisa cu e ta laga esaki na decision di Hues. Pa loke ta e demanda di daño, e recibo di hospital ta muestra cu e tin relacion cu maltrato di A.C. E demanda di 40 mil florin inmaterial, no tin especificacion. El a pidi pa declara esaki no admisibel. Pa loke ta F.S., e abogado a bisa cu no tin ningun relato cu ta muestra e daño cu F.S. a sufri. El a pidi pa rechaza esaki. Mr. Bryson ta haya e castigo exige pa Fiscal lo perhudica J.C. pa haya tratamento manera psicologo a recomenda.

Ta asina cu e señora di F.S. a bisa Hues cu e lo bay cuminsa un caso civil y ta hala e demanda aden.

Hues a sera tratamento di e caso y a bisa cu otro siman diabierna e lo sera tratamento di e caso pa e ora ey stipula fecha di sentencia.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



MINISTER MADURO DI FINANSA A REUNI CU FISCAL AFFAIRS DEPARTMENT DI IMF PA SOLICITA ASISTENCIA TECNICO PA DEPARTAMENTO DI IMPUESTO

Durante e siman aki cu Minister Maduro di Finansa ta atende e IMF Spring Meetings na Washington DC, e mandatario a reuni cu e Fiscal Affairs Department di IMF (FAD) pa asina por solicita un asistencia tecnico pa por sigui profesionalisa e servicio Departamento di Impuesto (DIMP).

Na aña 2019 Aruba a haya asistencia tecnico di IMF cu via e organizacion

Caribense CARTAC a haci un evaluacion di e sistema fiscal di Aruba y tambe a tira un bista riba e organizacion di DIMP. IMF a brinda algun recomendacion di cual ya caba Aruba a implementa algun di nan den e cambionan fiscal cu a wordo haci.

E asistencia cu awo ta wordo solicita ta un TADAD cu ta un 'Tax Administration Diagnostic Assessment Tool' cu ta

ekipa e profesionalnan di DIMP cu conocimiento riba e tereno di administracion fiscal. E intencion di e asistencia tecnico ta pa brinda un training na e managers di DIMP hunto cu un evaluacion di e recomendacionnan haci na aña 2019, sigui pa un evaluacion propio haci pa e profesionalnan di DIMP y despues lo sigui un evaluacion door di IMF pa midi e administracion fiscal y eficiencia di DIMP.



Minister Maduro a haci uzo di e oportunidad pa gradici e team di FAD y CARTAC pa nan asistencia continuo brinda na Aruba y ta spera cu e TADAT tambe

lo wordo haci pronto. E peticion ta pa e asistencia tecnico di TADAD por wordo haci den fin di aña 2024 y comienso di aña 2025.

Luna di April: Conscientisacion y Prevencion di Abuso di Mucha PARLAMENTO DI ARUBA A TUMA PASONAN FIRME PA FORTIFICA E LEY CONTRA ABUSO DI MUCHA

ORANJESTAD, Aruba 19 april 2024: Den un esfuerzo pa enfrenta e problematica hopi serio di abuso sexual den nos comunidad, luna di april a wordo decreta como luna di conscientisacion y prevencion di abuso di mucha.

Esaki ta un paso importante pa reconoce e impacto negativo cu e abuso sexual tin riba nos muchanan y e urgencia pa preveni y confronta e situacion aki. Parlamentario di Fraccion di MEP, Darlaine Guedez-Erasmus, a remarca cu abuso sexual ta un topico cu ta hopi delicado y emocional den nos sociedad. E testimonionan personal di e victimanan ta pone den evidencia e efecto negativo cu e abuso sexual ta laga riba nan bida y e tristo consecuenecianan cu ta afecta nan famianan. Pa haci un cambio real, mester ta comprometi na accionnan concreto pa proteha nos muchanan y castiga esnan cu comete e abuso aki.

Dia 26 di juni 2020, Parlamento di Aruba a tuma paso firme pa fortifica e ley contra abuso di mucha door di aumenta 27 castigo den nosCodigo Penal. Aumento di delitonan contra moral (zedendelicten) manera violacion a bira di 12 pa aña 15 aña, relacion sexual cu un mucha bou di 12 aña a bira di 12 pa aña 15 aña, relacion sexual cu un mucha bou di 16 aña a bira di 8 pa aña 12 aña, agresion sexual cu abuso di autoridad a bira di 6 pa 8 aña, maltrato severo intencional cu consecuencia di morto a bira di 12 pa aña 20 aña y homicidio (doodslag) a bira di 15 pa aña 24 aña. E cambionan di castigo ta manda un mensahe cla: tur tipo abuso di mucha no ta wordo tolera y tin su consecuencia serio.

Un aspecto crucial den e lucha contra e abuso sexual ta e investigacion. Den e ultimo añanan, a duna e atencion debido na e importancia di recopila evidencia pa garantiza un proceso hudicial eficaz.

Accionnan manera e introduccion di e 'vertouwensarts', un medico forensico specialisa, y e certificacion di 'zedenrechercheurs' y psicologonan pa trata 'studieverhoor' di menornan. Tambe a busca tur material nobo pa diseña e 'studioverhoorruimte'. Guedez-Erasmus a agrega cu 'recherchepsycholoog' ta den preparacion y training. Esaki ta pasonan den e direccion corecto.

Un otro asunto importante ta prevencion. Informacion y educacion ta clave pa proteha nos muchanan. Programa,- y manehonan cu ta enfoca riba conscientisacion y prevencion di abuso sexual tin un rol critico den e lucha contra e fenomeno aki. Nan ta brinda e hermentnan necesario pa e mayornan y profesionalnan por reconoce e señalnan di abuso y actua na tempo y sa ki caminda pa cana.

E lucha contra abuso sexual ta un responsabilidad colectivo di nos comunidad, pero cu e prome



responsabilidad ta cuminsa na cas. No solamente den luna di april, pero tur dia nos mester ta consciente di e importancia pa proteha nos muchanan y promove un ambiente unda nan por crece y prospera sin miedo ni perhuicio.

Parlamentario Darlaine Guedez-Erasmus ta di opinion cu ta solamente c'un esfuerzo conhunto y continuo por duna importancia na conscientisacion, prevencion, y castigo cu e abuso sexual por wordo confronta na tur nivel. Delito sexual no ta caduca. No ta importa cuanto tempo a pasa, si tin prueba, e victima por entrega keho pa asina e abusado haya su castigo, Guedez-Erasmus ta finalisa.

PARLAMENTARIO SHAILINY TROMP-LEE NO TA HAYA HUSTIFICA CU FRACCION DI AVP Y MAS TA HACI COMO SIFUERA TA UN FREE FOR ALL TIN NA DIMAS Y CU NOS LOCALNAN RIBA MERCADO LABORAL NO TA KEDA PROTEHI

Durante reunion publico caminda a trata maneho di admision di Minister Glenbert Croes Fraccion di AVP y MAS a cuestiona yen cos y haci como sifuera ta un free for all tin den DIMAS. A pretende cu pueblo no sa unda DIMAS of DPL ta situa, cu pueblo no sa of por haya sa con pa inicia un proceso pa pidi un permiso, cu no tin proceso describi of cu pueblo no lo sa kico tur nan mester entrega na documentacion etc etc. Un hala di ridiculez djis pa crea e escenario di chaos, falta di control y transparencia.

Procesonan den DIMAS

Ta bon pa pueblo realisa cu ta un echo cu procesonan den DIMAS ta describi, proceduranan ta conoci. Esakinan ta ampliamente accesibel via e website di DIMAS. Alabes pa tur proceso tin formularionan standarisa, checklist di kico tur mester entrega, e buki di maneho ta complementa e ley y ta splica tur e diferente permiso,- y rekisitonan (Toelatingshandboek 2023) y e ley ta describi denter di cuanto tempo un cliente mester haya un contesta. Y na e delaster

punto aki te ainda tin hopi reto. Te ainda no ta cumpliendo cu clientenan ta haya un contestacion di e termino indica pa ley. Alabes no obstante e echo cu bo por sigui e proceso cu bo peticion ta cana online, ultimamente e mecanismo aki no ta funcionando. Durante di e reunion publico Minister a indica di lo sigui traha duro pa mehora e servicio den tur sentido di palabra y cu e ta bezig cu digitalisacion, automatizacion y modernisacion di e procesonan den DIMAS.

Ta un lastima cu no por atende un asunto asina delicado y di atencion continuo na un manera mas serio y cu e meta pa concentra riba e mehoracion, eficiencia y efectividad di e procesonan y e departamento. Meta principal ta cu clientenan ta keda atendi debidamente y cordial, procesonan ta traha optimal, peticionnan ta keda trata y husga na condicion stipula y leynan existente, cu nos mercado laboral interno ta keda constantemente protehi y ta percura pa nos localnan ta prome yama pa yena vacaturanan cu ta keda

crea.

Cifranan di desempleo a baha drasticamente. Mirando e cifranan di desempleo actualmente na Aruba, nos mester bisa cu esakinan ta subrayando cu e maneho actual ta efectivo y brindando nos localnan tur oportunidad. Cu ainda nos conoce retonan ta un realidad, cu tin cu sigui traha na un miho aansluiting di nos enseñansa na nos mercado laboral ta un echo, pero pa bisa cu nada no ta pasando sigur ta incorrecto.

Cifranan di desempleo a baha drasticamente. Si nos ananlisa e cifranan di desempleo nos por mira cu na aña 2021 esaki tabata 8,8%, na 2022: 6,6% y na 2023: 4,3%. E cifranan aki sigur ta papia cla. Un grupo cu mi tabata hopi preocupa pe tabata nos hobennan, pero mi mester bisa cu e cifranan pa loke ta trata e grupo aki tambe ta indica un desaroyo positivo y alentador. Na aña 2020 e porcentahe di desempleo bou di hobennan tabata: 25,9%, na 2021: 19,1%, na 2022: 14,6% y na 2023: 9,9%. Nos no ta unda nos kier ta, pero ta trahando



debidamente riba e grupo aki.

Debidamente Ministernan Glenbert Croes y Endy Croes durante tratamiento di presupuesto 2024 a indica con ta bay sigui atende cu e retonan pa mehora e aansluiting di enseñansa na e necesidadnan di nos mercado laboral, cu lo brinda nos hobennan un miho perspectiva y alabes estabilisa miho e mecanismo di nos mercado laboral. Minister a informa cu mediante Enseñansa pa Empleo, diferente Jobfair, via comision multidisciplinario, Vierlandenoverleg y Landspakket ta dunando e aspecto aki su debido atencion.

Mi kier finalisa bisando cu

enberdad nos tin retonan riba nos mercado laboral. Sigur e necesidad grandi pa trahado cu nos no ta logra yena mediante nos mercado local ta un di nan. Y e alocacion di trahadonan externo conoce su retonan mirando cu e proceso na DIMAS no ta cana lihe suficiente pa por reacciona debidamente riba nan necesidadnan cambiando diariamente. Echo ta si, cu bou di ningun circunstancia por elimina e evaluacion cu ta tuma lugar pa sigura cu no tin un local pa eherce e funcion pa cual un permiso di trabou ta keda pidi.

Ta un reto pa crea e balans necesario caminda gobierno ta atende cu proteccion di nos mercado laboral y agilisacion di procesonan na beneficio di desaroyo economico.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Minister Rocco Tjon: MINISTER ROCCO TJON A BISHITA DE SGR-GROEP NA CURAÇAO



WILLEMSTAD – Diahuebs ultimo, Minister di Husticia y Asuntonan Social sr. Rocco Tjon, hunto cu Prome Minister di Curaçao sr. Gilmar Pisas a bishita De SGR-Groep (De Stichting voor Gehandicapten- en Revalidatiezorg).

Durante di e bishita aki SGR-Groep a brinda ambos minister un “rondleiding” pa asina haya un miho

bista di e facilidadnan, den cuadro di firmamento di e prolongacion di e contract di cuido entre De SGR-Groep - “Fundashon Verriet” y Aruba e luna aki. Esaki ta nifica cu den futuro clientenan di Aruba por sigui ricibi cuido na Curaçao.

E bishita aki, a sirbi como un oportunidad pa por haña un bista di e cuido cu De SGR-Groep ta brinda

na nan facilidadnan y asina por ta testigo di e colaboracion entre Curaçao y Aruba.

E “rondleiding” a tuma luga na e localidadnan di Fundashon Verriet na Emmastad, Santa Maria y De Savaan. Banda di esaki, a bishita tambe e localidadnan di Revalidatiecentrum Curaçao y Curaçao Orthotics & Prosthetics, pa asina haña un bista di e otro productonan di cuido cu De SGR-Groep ta brinda, manera cuido di rehabilitacion y creacion di productonan ortopedico. Por ultimo, Minister Tjon a duna di conoce, cu ambos e y Prome Minister Pisas a keda sumamente contento pa tur loke nan a mira y a



gradici e ekipo di De SGR-Groep pa e oportunidad cu nan a haña pa por a ricibi

tur e informacion valioso aki.

MINISTER URSELL ARENDS TA COMPARTI RAPPORT DI FORO NACIONAL PA ADULTO MAYOR

Despues di a organisa dos edicion exitoso di 'Foro Nacional pa Adulto Mayor' na october 2023 y maart 2024, Minister Ursell Arends, den colaboracion cu Directie Ouderenzaken, awor ta compartiendo un resumen di e eventona aki pa tur esnan interesa. Durante ambos edicion, mas cu 100 participante a reuni pa intercambia ideanan y conocimiento tocante esfuersonan actual pa trata cu e retonan y oportunidadnan di enbehecimento.

E Foro Nacional pa Adulto


Mayor a wordo organisa pa explora solucionnan sostenibel y pa mantene lasonan entre varios gruponan di interes. Durante e eventonan a hiba discusion y a presenta recomendacionnan pa mehora e calidad di bida di nos adultonan mayor.

Minister Arends y Directie Ouderenzaken a compila un resumen di e Foro Nacional pa Adulto Mayor den forma di un rapport. Den esaki ta documenta e discusionnan y acuerdonan cu a tuma lugar. E rapport aki ta propone pa comparti

e resultadonan di e conversacionnan continuo di e Foro Nacional pa Adulto Mayor pa asegura transparencia. E meta ta pa tene pueblo informa, delineando e pasonan y acuerdonan cu a wordo haci durante e foro. Esaki ta inclui e firmamento di e "Convenio Nacional" cu ta pone un base solido pa cooperacion y futuro colaboracion. Ademas, ta elabora riba e lansamento di e 'Proyecto Pasadia,' cual ta enfoca ribe alivia e presion pa e adultonan mayor ariba e lista di espera di SABA.

"E perspectivanan y recomendacionnan ricibi durante e Foro Nacional pa Adulto Mayor ta esencial pa sigui desaroya maneho y iniciativanan cu ta enfoca ariba e necesidadnan di nos adultonan mayor. Nos tin un compromiso pa implementa e recomendacionnan pa asegura cu tur adulto mayor na Aruba por disfruta di un bida di digno," Minister Ursell Arends a menciona.

Por haya e rapport ariba publico.aw/rapport, tambe



por mira e entrevistanan cu oradornan y invitadonan, e presentacionnan di e evento completo di e Foro Nacional pa Adulto Mayor riba e pagina di Facebook di Directie Ouderenzaken.

Na Madiki polis a detene hoben cu un pistol den su poder



Diahuebs atardi a drenta informe di cu tin 3 hoben canando den Madiki y cu nan lo tin arma di candela den nan poder, mesora a dirigi patruyanan pa nan bay cu cautela. Na altura

di Caya Frere Theodorus a bin topa cu e 3 hobennan aki cu tactica a acerca nan y a para listranan.

Durante e listramento polis a descubri un arma den

un di nan nan man purse, mesora a confisca esaki y a detene e hoben y a bay warda cun'e. Na warda di polis a descubri cu no ta un arma di candela.

Varios patruya a bay pa informe di cu un persona a ser hinca na E.P.B. Hato



Diaranson a drenta informe di cu un persona lo a ser hinca na E.P.B. Hato, mesora a dirigi patruyanan na e sitio. Na yegada di e patruya a bin compronde cu no tin nada a tuma lugar ni

paden ni pafo di E.P.B. Hato. Ora a bay averigua a bin haya sa cu esaki a drenta via alarm centrale y ora a yama bek no tabata tin contesta pues lo tabata trata aki di un yamada falso.



Rosario Bibo dialuna 22 di april na kapel di Alto Vista

Dialuna awo, 22 di april, lo tin otro Rosario Bibo na kapel di Alto Vista pa 7 or y mey di anochi. Cada persona por trece su intencion(nan) personal y hunto lo resa pa e intencionnan pa medio di Birgen di Alto Vista haya oido cerca Dios Tata. Hunto lo resa tambe pa paz mundial, pa felicidad den cada hogar, pa tur esnan den necesidad material y spiritual, pa tur enfermo na cas of na hospital, pa tur adulto mayor, pa tur hoben y mucha, pa mayornan, maestronan y pa tur esnan cu tin e tarea

pa guia nos pais. Nos mundo awendia mes- ter di mas orashon sea na cas, scol, trabou pa tin paz. Nos hobennan ta preparando pa nan examen na scol y nos lo Spirito Santo pa ilumina nan mente pa nan tin exito den e temporada benidero. Comision ta invita hoben y adulto pa asisti na e proximo Rosario Bibo dialuna awo, 22 di april, pa 7 or y mey di anochi na kapel di Alto Vista.
18 di april 2024
Na number di comision
organizado
N. Koolman

KES THE BAND, DJ LATU, ZIGGI Y MAS TA CONFIRMA PA FLIP FLOP FESTIVAL ARUBA, DIA 1 DI JUNI PROXIMO!



Cerbes Chill hunto cu Elite Empire Entertainment ta orguyoso di colabora un biaha mas pa trece bek un di e festivalnan mas gusta na Aruba y den nos region. Ta trata aki di Flip Flop Festival cu ta tumando lugha diasabra dia 1 di juni 2024 na Bushiri Beach Arena. Desde aña 2018 e festival aki no a tuma lugha y a keda un bashi grandi den e fanaticonan. E edicion aki lo ta e di nuebe edicion y lo consisti di dos diferente area, varios banda y dj for di exterior y tambe local. E organizacion a logra di haci varios encuesta riba preferencia musical y a logra di haya un combinacion di artista di entre otro soca, reggae y mas.

Un di e artistanan principal ta un di e exponentenan mas popular di e genero di soca y dancehall esta KES. KES The Band ta bini for di Trinidad y no ta desconoci riba nos isla. Siman pasa nan a caba di saca un album nobo 'Man with No Door' cu diferente hit hunto cu Shaggy, Busy Signal y otro. Durante e ultimo lunanan nan agenda tabata hopi ocupa cu diferente presentacion na Miami, Orlando, New York y mas. E exitonan

di Kes ta 'Hello', 'Savannah Grass', 'Work Out', 'Like it like that' y mas. E famoso Dj Latu y Steve Andreas, directamente for di Hulanda, tambe lo ta riba stage cu un show nunca bisto. E anuncio aki ta e asina yama 'Phase 1'. Pronto lo anuncia mas artista internacional cu lo t'ey na Flip Flop.

Un presentacion special durante e anochi aki lo ta na encargo di Ziggi Recado & The Nayamari Band. E banda di reggae aki ta hopi popular den Caribe y Europa. Nan lo presenta un variacion di exito propio y di otro artistanan legendario den e mundo di reggae.

Nos artistanan local tambe semper a sa di haya un tremendo oportunidad pa presenta, e biaha aki lo tin presentacion di Tsunami, Mystical Connec-

tion, Nutzbeatz, Dj Sky, Dr. Eli, Yeimy, MC Samil y MC Tarrick Ras. Lo tin un di dos area apart di e stage principal y esaki lo ta e 'Caribang Stage'. Rib'e stage aki lo tin hopi sorpresa tanto local como internacional.

Cerbes Chill ta hopi contento di por regala Aruba un festival na e nivel aki. Lo bay tin hopi oportunidad pa gana ticket durante di e siguiente simannan. Por spera promocion den diferente bar pero tambe den diferente supermercado. Ta importante pa keda conecta cu Chill via di nan rednan social y asina ta parti di e celebracion grandi aki.

Ticket ta na benta na balor di 45 florin (Early Bird) y Standing VIP pa 100 florin. Esaki ta disponibel via Pay.aw / Eliteempire.events / Citgo Boulevard y Citgo Essoville. Tambe na Tropical Bottling Carry Out LG Smith Boulevard y Tropical Bottling Company San Nicolas. Pa mesa VIP whatsapp 5693005.

Flip Flop Festival ta un presentacion Chill, Coca-Cola, Bacardi, Elite Empire, Elite Productions y XFM 102.7




MARAVILLAS DE LA FE

Salud
Suerte - Amor

Aruba: 748-5671

Cartas di tarot

Bo ta sufrí di un malestar cu bo no por cura?
 Bo ta víctima di bruheria?
 Bo plaka no ya jega?
 Bo cumpri numbernan y bo no ta gana?
 Bo ta bai casino y no puede tur bo plaka?
 Bo tin problemanan di amor?
 Bo pareja ta gañabo?
 Fracaso. Soledad. Malesanan angustia. Mala suerte
 Comunica na 748 5671



HOOI FRESCO

A YEGA PA ALF 39,- SO!!!

TEL: 5941317

ADDRESS: THE GOLD MINE

RANCH (MATIVIDIRI 60)

Future of social security in focus: **Larmonie-Cecilia** presents reform proposals at SER meeting

Willemstad, April 19, 2024 - At the invitation of the Social and Economic Council (SER) of Curaçao, Minister of Social Development, Labor and Welfare (SOAW), Ms. Ruthmilda Larmonie-Cecilia, on Friday, March 19, 2024, gave a detailed presentation on the recent research findings regarding Curaçao's social security system.

This presentation occurred during the regular plenary session of the tripartite advisory body. The research, conducted

as part of the Curaçao Country package, focuses on crucial aspects of the social security system to reduce poverty, increase income security, and ensure financial sustainability. The minister was supported during the meeting by policy advisors, representatives of the Social Insurance Bank (SVB), and an expert from the Amsterdam Economic Bureau.

Following the presentation, council members could ask questions and comment on the report's

recommendations and findings. Ms. Larmonie-Cecilia indicated that the current phase will be used for further consultations with all relevant stakeholders, after which the proposals will be considered within political-administrative circles.

These will lead to decision-making that will affect Curaçao's social security landscape. She has promised to keep the SER, as an important advisory body to the legislature, informed of the progress of the process.



Larmonie-Cecilia presenteert hervormingsvoorstellen tijdens SER-bijeenkomst



Parlamentario Alvin Molina (MEP):

Abusado di mucha merece wordo castiga

Abusado di mucha merece di wordo colga na un palo di luz. Den mi opinion no tin castigo suficiente pa un persona cu ta uza su forza fisico, posicion di confianza y poder social pa abusa di un criatura indefenso cu ta depende riba proteccion di hende grandi. Un persona maligno asina merece di wordo colga na un pia, boca abou, na jockey, na un palo di luz

pa pueblo por mire y expresa nan disgusto. Mas cu claro e metodo aki no ta fit den siglo 21, tampoco no ta aceptabel segun ley di pueblo. Ta hopi obvio si cu e abusado y victima merece un trato husto.

Na juni 2020, parlamento a hisa e castigo pa esnan culpabel di abuso di mucha te cu e maximo posibel den Reino Hulandes, conoci como e Ley di Abu-

so di Mucha.

Tambe, a traha y ta trahando riba varios proceso pa brinda ayudo na e muchanan cu a bira victima di abuso, pa minimalisa e trauma y optimalisa nan calidad di bida. Ta un hecho cu den hopi caso, esnan cu ta comete e actonan horibel aki, como muchanan mes tabata victima di abuso. Un opvang multidisciplinario ta importante pa e victima, pero loke ta sumamente importante pa evita cu e trauma cu e victima tin no contribui na un siguiente generacion di abusado. Un abusado condena tambe mester ricibi guia, pa evita cu e lo ripiti e acto horroroso aki.

Pesey, ta bon cu e gobi-

erno actual, bou guia di nos Minister di Husticia y Asuntunan Social, a tuma varios iniciativa pa percura pa yuda e victima y pa preveni cu e muchanan bira victima di abuso manera: Sociaal Crisis Plan, Comision Nacional di Abuso di Mucha y Hoben,Codigo di Proteccion, Signs of Safety, Family Justice Center, Mi Mesun Heroe y Plan di Mayor. Mi a invita minister pa bin parlamento y duna un update riba e proyectonan aki. Luna di april ta e luna di conscientisacion nacional contra abuso di mucha, ta bon pa nos reflexiona kico NOS TUR por haci pa proteha esnan mas vulnerabel den nos comu-



nidad.



Serie di workshop tocante 'Creative Entrepreneurship' organisa door di Departamento di Asuntonan Economico/ IDEA

Topico: "Unlock Your Creative Entrepreneurial Spirit"



ORANJESTAD - Departamento di Asuntonan Economico, Comercio y Industria mediante su unit di Iniciativa pa Desarrollo pa Empresa Arubano (IDEA) a organisa un serie di workshop tocante: "Creative Entrepreneurship".

E serie di workshop tocante Empresario Creativo (Creative Entrepreneurship) a cuminsa 21 februari, 2024, na 'The Hub @ San Nicolas' y a atrae e prome dia un total di 35 participante.

E serie di workshop a continua dianan 6 y 20 di maart y 10 di april, di cual cada un di e sesionnan aki a resulta den un exito total. E serie di workshop lo continua te cuminsamento di juli 2024.

E meta principal di e serie di workshop aki ta pa

introduci 'Creative Entrepreneurship' y su beneficiacion esencial na e comunidad empresarial di San Nicolas (SN). Como resultado, participantenan lo siña conhuntamente con pa planea, lansa, maneha y amplia nan negoshi creativo na SN usando nan creatividad, cultura, talento, y habilidadnan.

E workshopnan a reuni un mescla diverso di individuonan, tur hopi interesa pa explora e mundo di empresario creativo. Participantenan tabata hopi entusiasmo, y a intercambia nan ideanan y a trece nan habilidadnan den un forma sostenibel.

IDEA ta gradici e facilitadonan pa e exito di cada workshop. E facilitadonan tabata sa con pa trece nan presentacion dilanti, locu-

al a enrikece e conocimiento di e participantenan y a laga un impresion riba tur presente.

Den e prome sesion Minister di Asuntonan Economico, Minister sr. Geoffrey Wever, y e Directora di Departamento di Asuntonan Economico, sra. Maria Dijkhoff-Pita, tabata presente y nan a duna un introduccion hopi bunita y a yama tur hende presente bonbini.

E prome facilitado pa e serie di workshop aki tabata sr. Dave Martinus, un coach di e prestigioso compania certifica, 'Action COACH Aruba'. E a presenta dia 21 di februari, y a trata e topico clave di: 'Introduction to Creative Entrepreneurship' y dia 10 april a presenta e topico di 'Market Your Creative Business'. E obhetivo di e presentacionnan aki tabata pa, 'Explora e funcion di innovacion y haya mas conocimiento di negoshi y haya sa con pa uza bo creatividad potencial den e mercado dinamico di awendia'.

E serie di workshop a continua dia 6 di maart, unda sr. Elthon Lampe director di 'Activated Power' a trata e topico interesante di: 'Creative Entrepreneurship with AI' y e a presenta topiconan manera: Kico ta AI y pakico ta importante pa cualkier negoshi; Tiponan di AI; ChatGPT 3.5 (version gratis); ChatGPT 4 (version paga) y a muestra algun 'Demo'. Sra. Judella Trim di IDEA a presenta 20 maart, 'Business Plan' como topi-

co. Despues di su presentacion, e participantenan a sinta den grupo y a scirbi nan 'Business Plan' y algun di nan a presenta nan plan di negoshi creativo na henter e grupo presente.

Nos facilitadonan a hunga un papel importante pa haci cada sesion informativo y interesante. E respuesta positivo di e participantenan tocante e serie di workshop ta resalta e importancia pa crea innovacion y mas empresanan den nos comunidad. Mientras nos ta mirando pa futuro, nos ta comprometi pa sigui brinda sosten na tur empresario.

E siguiente workshopnan lo ta:

diaranson, 24 april -
CREATE Your Business Structure/ Notary Johnson
- Business Registration (KvK)

diaranson, 8 mei -
Get Your Business License (DEZHI)

-
Protect Your Creative Assets/ BIE

diaranson, 22 mei -
Sales and Marketing/ D. Martinus

- Tackling the Shadow Economy in Aruba/ DEZHI

diaranson, 5 jun, -
Employee Insurance
- Manage Your Finances/ J. v/d Biezen

diaranson, 19 jun - All about Taxes/ DIMP
- Get inspired by IDEA's services

diaranson, 26 jun -
Team Empowerment/ C. Hoen-Daly

- Get inspired by the services of ARINA

dialuna, 1 jul -
Import/ Export/ Exemptions (Douane)
- Get inspired by the services of Exprodesk

diaranson, 3 Jul -
The Power to Make a Social Impact in Your Creative Business (SDGs)
- Know the future of businesses 'Innovation'/ Futura

Tur workshop menciona aki riba lo tuma luga na The Hub @ San Nicolas, B. v/d Veen Zeppenfeldstraat 70-72 (casi na final di mainstreet). Orario: 7:00 pa 9:00 pm y ta completamente gratis.

Pa mas informacion por tuma contacto cu nos libremente na IDEA na telefon

521-2440 of 521-2439 of manda un email na j.trim@deaci.aw.

Clasificados


SOLODIPUEBLO@GMAIL.COM
CEL. 585 9500

Recherchenan a detene adicto ambulante

L.K. relaciona cu kiebrot y ladronicia





Despues di a detene algun sospechoso di kiebrot y ladronicia na e Kiosko na Caya G.F. "Betico" Croes, diahuebs merdia a detene un otro sospechoso L.K. aparentemente falta un mas, kende no falta mucho mas pa captur'e. E sospechosonan aki a horta varios cos y bay tambe cu tur e ice creamnan di e lugar algun dia pasa.



8							
		3	6				
	7			9		2	
	5				7		
				4	5	7	
			1				3
		1					6 8
		8	5				1
	9					4	

		8		3		5	4
3			4		7	9	
4	1				8		2
	4	3	5		2		6
5							8
	6		3		9	4	1
1			8				2 7
		5	6		3		4
	2	9		7		8	

 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 18 April 2024 Anochi</div>		
CATOLIC	LOTTO 5	
Sorteo # 8222	Sorteo #	Joker Letter
7714	0x Jackpot	Proximo Jackpot
8419	0x Match 4+	
4826	0x Match 4	220.000,-
	0x Afl. 12,00	
MULTI-X	LOTTO DIA	16-21-23-25-26
X2	Sorteo # 6448	Proximo Jackpot
BIG 4	0x Jackpot	
Sorteo # 7266	2x Match 4	66.000,-
5038	135x Afl. 8,00	
MULTI-X		
X2		
1FF	MEGA	
Sorteo # 1971	Sorteo #	Mega Ball
0020	0x Jackpot	Proximo Jackpot
	0x match 4	
ZODIAC	0x Afl. 500,00	370.000,-
	0x Afl. 50,00	
Sorteo # 6025	0x Afl. 15,00	
1203	MEGA	Afl. 470.000,-
Piscis	MEGA PLUS	
LUCKY 3	KORSOU	
Sorteo # 955	Sorteo #	
520		
MULTI-X		
X2		

 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 19 April 2024 Merdia</div>		
CATOLIC	LOTTO 5	
Sorteo # 4243	Sorteo #	Joker Letter
6328	0x Jackpot	Proximo Jackpot
4312	0x Match 4+	
1846	0x Match 4	220.000,-
	0x Afl. 12,00	
MULTI-X	LOTTO DIA	
X2	Sorteo #	Proximo Jackpot
BIG 4	0x Jackpot	
Sorteo # 4243	0x Match 4	66.000,-
9338	0x Afl. 8,00	
MULTI-X		
X2		
1FF	MEGA	
Sorteo # 2299	Sorteo #	Mega Ball
6755	0x Jackpot	Proximo Jackpot
	0x match 4	
ZODIAC	0x Afl. 500,00	370.000,-
	0x Afl. 50,00	
Sorteo # 4243	0x Afl. 15,00	
5137	MEGA	Afl. 470.000,-
Leo	MEGA PLUS	
LUCKY 3	KORSOU	
Sorteo # 1117	Sorteo #	
443		
MULTI-X		
FP		

Polis a bai Driemasterstraat pa un homber cu lo tabata sclama di dolor



Diahuebs madruga a drenta informe di cu un homber ta sclama di dolor y ta pidi pa yudansa

urgente na Driemasterstraat. Mesora a dirigi tanto polis como ambulans na e sitio. Na yegada

di e patruya a bin compronde cu un homber cu lo ta sufriendo di un malesa lo tabata den hopi dolor pero

no tabata tin manera pa bai hospital. Na yegada di ambulans nan a check e homber y den e caso aki e mes lo por bai hospital.

E hober lo no tabata tin transporte pa bai pero un rato despues un conocido di dje lo a yega y hib'e hospital.

PROME MINISTER A RICIBI BISHITA DI STUDIANTEANAN DI UNIVERSIDAD DI ARUBA, FACULTAD ORGANIZATION GOVERNANCE MANAGEMENT




ORANJESTAD - Recientemente, Prome Minister Evelyn Wever-Croes a haya bishita di studiantenan di Universidad di Aruba di e facultad di "Organization Governance Management" (OGM). E bishitanan aki ta manera un tradicion, y e biaha aki a toca turno na e studiantenan cu ta den e di dos aña di nan carera na Universidad di Aruba. Durante nan bishita, Prome Minister a duna nan un splicacion amplio di loke ta encera e trabou di un Minister President y di

Gobierno en general. E studiantenan tambe a haya un "snapshot" di con fuerte Aruba ta para economicamente. Manera ta conoci, turismo ta e pilar di nos economia, y ta danki na e sector aki, Aruba ta den pleno recuperacion. Pa nan por a compronde un poco mas, Prome Minister a muestra nan e cifranan di turismo cu claramente ta muestra cu Aruba ta den recuperacion. Otro topico cu nan a toca ta e debe di pais Aruba. Prome Minister a splica nan cu actualmente e debe

ta na 81% di e GDP, pero mirando cu Gobierno ta cumpliendo cabalmente cu e pagonan, lo cera e aña aki bou di 80% di e GDP. Tambe a pasa riba e temanan di e normanan financiero, e supervision financiero y deliberacionnan cu Hulanda. Por ultimo Prome Minister a duna informacion riba e porcentahe di desempleo, y e reformanan pa haci di Aruba un isla mas fuerte y resiliente. Prome Minister a expresa cu e encuentro aki tabata uno sumamente intere-

sante na unda e studiantenan a tuma e oportunidad di haci varios pregunta, di cual el a logra

contesta tur. Pa e mandatario semper ta un placer di por ricibi nos studiantenan.



**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

E BON NOTICIA NO BAI Y NO YAMA ESNAN CU TA CONSULTA DEN TAROT Y DEN MEDIUM

E cartanan di tarot ta origina den temponan antiguo di e pueblo pagano di Egipto y tambe for di Italia den siglo XV. E ocultismo nan satanico a cuminsa usa e cartanan di tarot pa adivinacion den siglo XVIII na Francia. Awendia e cartanan di tarot ta wordo usa pa esnan den ocultismo, esnan den medium, esnan den bruheria, esnan den spiritista y esnan den New Age. Nan ta usa e carta di tarot pa obtene conocimiento oculto riba pasado, presente y futuro. Bijbel ta

cualifica e tarot manera adivinacion, pero tambe e cartanan aki ta imprimi cu influencianan diabolico. Esnan den medium ta consulta den spiritonan diabolico y nan ta usa e tarot pa invoka podernan diabolico y pa duna potencia na e cartanan. Cada parti di lectura di tarot e.o. interpretacionnan y creencianan, ta marca pa influencianan di reino diabolico. E cartanan di tarot tin simbolonan pagano e.o. zodiac, diosnan pagano, devil horn, pentagramnan etc. Satanas ta

disfrasa den angel di lus (2 Corinthionan 11 : 14) y e diabelnan su discipelnan tambe ta disfrasa den hus-ticia (2 Corinthionan 11 : 15). E spiritonan diaboliconan aki, nan ta tras di e lecturanan di e cartanan di tarot, dunando predicc-ionnan falso. Den Bijbel Dios ta condena den fier-no, tur esnan cu ta practica adivinacion, bruheria y adivinacion pa medio di tarot. Den Bijbel Deuter-onomio 18 : 9 – 12 : “Ora boso yega e tera su Sen-jor boso Dios ta duna, no im-ita e practicanan abomi-nabelnan den e pueblonan ey. Cu no ser haya den boso, ken cu laga kima su yiu homber o su yiu muher como ofrenda. Cu no tin adivinonan, no consulta cu e astronnan, no consulta den bruherianan, no con-sulta cu e mediumnan, no consulta cu e mortonan, cu no tin ningun adivino. Pasobra Dios ta aborece na esnan cu ta haci e abomi-nacionnan aki y pa e causa aki, Dios ta core cu nan pa bo.” Den Bijbel Levitico 19 : 26 : “No come carni di bestia cu sanger aden. No practica e adivinacion y no mete boso den bruhe-ria.” Den Bijbel Levitico 20: 6 : “Si algun hende ta consulta cu e spiritistanan of na e adivinonan pa uni cu nan, lo Mi bira Mi Cara

contra nan y lo Mi elimi-nanan den nan pueblo.” Den Bijbel Levitico 10 : 31 : “No mete boso mes den spiritismo (medium) y ni consulta cu e adivinonan, pues boso ta haci boso mes impuro pa esey. Ami ta Sen-jor boso Dios.” Den Bijbel ta prohibi clara-mente e adivinacion, e ocultismo, e spiritismo (medium) y bruheria. Tur esakinan ta wordo aplika directamente na e uso di e cartanan di tarot pa ob-tene conocementonan dia-

bolico y pa mira futuro. E simpel echo di posee of di tin un baraja di carta di tarot cu bo of den bo cas, anto ta habri den bo bida tur tipo di peligernan, e.o. oprecion diabolico rond di bo, den bo cas, posei, danjo spiritual y mental-mente. Busca e caminda, e conocimiento, e pas y e amor di Cristo-Hesus tur dia. Solamente Cristo-Hesus ta sostene bo futuro y E so ta dirigi bo destino.

Seferino Tromp



PRONOSTICO DI TEMPO

VALIDO TE DIASABRA 20 DI APRIL 2024,
18:00 ORA

TEMPO:
AWE TARDI Y AWE NOCHI: PARCIALMENTE
NUBLA
Y GENERALMENTE SECO
DEN MARDUGA Y MAYAN: PARCIAMENTE
NUBLA CU UN
AWACERO PASAJERO

TEMPERATURA MAXIMO 33 GRADO CEL-
SIUS
TEMPERATURA MINIMO 27 GRADO CEL-
SIUS
INDICE DI CALOR (HEAT INDEX) DEN Y
ROND
DI ORANAN DI MERDIA: 34 PA 39 GRADO
CELSIUS
UV INDEX: 12

AVISO/ ALERTA:
TA SUGERI OCUPANTENAN DI BOTO CHIKI-
TO PA BAI
CU CAUTELA NA PARTINAN OOST TE
NOORDWEST
DI COSTA.
PRONOSTICO DI TEMPO PA PROXIMO 3 DI-
ANAN:
PARCIALMENTE NUBLA SIN AWACERO DI
IMPORTANCIA.
BIENTO LO TA MODERA TE BASTA FUERTE
FOR DI
DIRECCION OOST; FUERTE TE DURO DEN
RAFAGA.
TEMPERATURA (GRADO CELSIUS) MAX /
MIN LO TA: 33 / 27

ORACION DI DIA

**Un feliz dia yena di bendicion y colma cu
hopi fe y confiansa den nos Bon Dios**

El a bisa nan:..... ”Pakico boso tin tanto miedo
asina? Ainda boso no
tin fe?” (Marco 4, 40)

Confiansa. Un palabra cu nos conoce bon. For di
chikito nos a siña confia nos mayornan. Sin pensa,
di biaha nos ta kere nan, pasobra nos sa cu nan
ta stima y cuida nos. Segun cu tempo pasa, nos ta
crece y ta topa hende den nos caminda di bida cu
kisas a defrauda nos. Nos ta cuminsa duda den e
sinceridad di hende. Y perde confiansa y speransa
den Dios. Tambe nos tin miedo di faya y miedo cu
otro hende ta faya nos. E discipelnan a duda, nan
tambe a haya miedo y a perde speransa.
Nan no sa di e poder todopoderoso di nan Maestro
Hesus. Nan no conoce ainda. ...: ”Ta ken e homber
aki ta? Hasta biento y lama ta tende di
djE’(Marco 4, 41) nan a bisa. Nos tambe por scapa
di un tormenta o un turbulencia den nos bida. Scu-
cha Su Bos severo cu ta papia den nos curason, pa
nos confia den djE, E Yiu di Tata.

Oracion: Señor Hesus, haci mi Fe mas grandi. Yuda
mi. Proteha mi. Duna mi forza pa enfrenta tur
problema cu un calma, paden den mi ser.
Den e nomber prestigioso di Hesus di Nazaret.
Amen.

